



(Nain, NL) March 14, 2006 – Nunatsiavut kavamangata Ministeringa Nunannut amma Nunammiutanut Pivianattojunut, William Barbour, uKajuk atsugotiKadluni ikajutsiniKanimminik Kisinik kenaujaliugutiKaKattatut Canadami piusigilâttanganik tajjaujumik “Pivalliatitaulli” sakKilâttumik Ottawami tapvani wogimi.

Inuit Labradorimi Taggami akunialuk ilusituKaKasimalittut puijinnianimmik niKitsagidlugit ammalu kenaujaliugutigigiangit ikajuttaugutigidlugit. Nunatsiavut kavamanga ikajutsiniKajuk siunniutitsigatik, niKitsagidlugit amma kenaujaliugutigidlugit puijinniaKattanimmik ammalu nittusidlutik Kisinik kenaujaliugutiKaKattatunik Canadami piggagasuagutiKanninginnut sulijumik tukisititsigasuagamut puijinik kenaujaliugutiKaKattatunik Canadami.

William Barbour, Nunatsiavut kavamangata Ministeringa Nunannut amma Nunammiutanut Pivianattojunut uKajuk, “Inogatta, puijinnianik ikKanattoKatautsainatuk piusituKattini ilukKusigijattini ammalu inogusittinut. Mânnalu ikKanattulagiummijuk kenaujaliugusigiKattatattinut. Mânnalittuk ilonnatik silatsuamut nalâgotsiatumik Kaujitaajutsaulittut tamainnut niKitsagidlugit puijinniaKattanimmut ammalu kenaujaliugutigidlugit puijinniagusuKattatumut.”

Inuit Nunatsiavummi puijinniaKattatut niKitsagigumadlugit atudlutik Inuit pinasualigamik piusigisonginnik. Pinasuattet tuKutsiKattatut nâmmatuinnatunik atugialinginnut ammalu ilonnasiamaginga omajop atuttausonguninga atuKattadlugu niKigidlugu, sananguagutigidlugu, Kisijani kamiliugutigidlugu, asiagullu.

PuijinniaKattani kenaujaliugutigidlugit pigiasilauttuk 1940-ni taimanganit ullumimut piusigijaujuk. Mânnaujumi, Inuit Labradorimi Taggami ilauKattatut jâri tamât kajusitsianiKajumik, kenaujaliugutigidlugit puijinnianiuKattatumi annigidlugu. Pingasunik 65 footinik umiaKadlutik, Nunatsiavut kavamanga suliaKattiKaKattatut 15-nanik Inunnik pinasuattinik amma senanik kenaujaliugutigidlugit puijinniaKattatunik tamâni Kanitangani namminik umiaKajut suliaKattiKaKattamijut tamânimiumik puijinniatinik. Tamanna pinasuannik atullagittuk kenaujaliugutigijauluni Labradorimi Taggami.

Puijinniagusik kamagijaullagiKattatuk ammalu puijinniatet atugiaKaKattatut pimmagittojunik maligatsaliuttausimajunik sakKititausimajunik kavamait Oganniatuligijjudlutik Imappiligijinginnut. Nallituinnangit Canadaup maligatsangit siKumitaummata uKumaigijaullagiKattatut Canadaup kavamanganut. Canadami Kimiggunigijaulauttuk Puijinik amma Puijinniagusinnik Kaujisimalauttut mânnaujumi atuttauKattalittut puijinniagamut piunitsaulinninginnik atuttauKattatunit tuKutsigiamut asinginnik omajunik upvalu omajuKutinnik.



Nunatsiavut
kavamanga Government

Minister Barbour uKajuk “AtuttauKujaugunnaimata puijinit sakKititauKattatut nallituinnanginnut nunatsuaKatigejunut sukkuilagiKattatuk kenaujaliugutigiKattatattinik puijinit. Kenaujaliugutigidlugit puijinniatuKaKattangipat, unuttut oganniativut inogutitsaliugunnagajangitut ammalu asiujillutik ikKanattojumik tatiKatigegutigijattinik puijinut. Puijinnianik illinattulagiujuk piusituKattinut Inogatta.”

Kiggatudluni Nunatsiavut kavamanganik, Minister Barbour ilonnâgut ikajutsiniKajuk ammalu katsungainniKakKujujuk ilauKataugiamut Kisinik kenaujaliugutiKaKattatut Canadami piusigilâttanganut taijaujumut “Pivalliatitaulli” ammalu KaujimakKujujuk pijâginginimminik ilaugunnanginami.

Nunatsiavut kavamanga atuliaKititaullagilaukKuk December 1, 2005-imi, tigusedlutik pitsatunigilauttanganik Labrador Inuit katutjiKatigenningata. 5,300 Inunnik Kallunângajunillu kiggatuvuk amma kamagiaKadluni NunalituKaujuit sivuppiagutitsanginnik, /maligatsanginnik paigijaugutilinnik, atjigetisinnimik, inusigijaunginnatunut pivitsanginnulu Labrador Inungita. Nunatsiavut kavamanganut KaujiutiKagiallagumagutsi, aigunnaKusi www.nunatsiavut.com.